



Anthon Frederiksen, Partii Naleraq
Inatsisartut,
/MAANI

Apeqqummut § 37, nr. 169-mut akissuteqaat

Inatsisartut suleriatsimik maleruagassaat naapertorlugit § 37 imm. 1, Naalakkersuisunut apeqqupteqaateqarputit. Apeqqupteqaatit uanga susassaqaqfinniit akisassangortinneqarpoq.

Apeqqupteqaat:

1. Aalisakkat nunatta avataanut tunineqartartut akiisa appartinneqannginnissaat anguniarlugu Naalakkersuisut qanoq iliuuseqarniarpat?

Akissuteqaat: Naalakkersuisut aalisarnermiit tunisassiat akii sunniuteqarfigisinnaanngilaat. Aalisakkat akii niuffaffinni aalajangerneqartarput pisisartut tunisassiallu amerlassusiat piumasaqarnerillu aallaavigalugit aammalu tunisassiat immikkuullarissut allat apeqquptaatillugit.

2. Qanoq ilillugu Naalakkersuisut qulakkeersinnaavaat, Tuluit EU-miit aninissaat aalisartortatsinnut sunniuteqapilussanngitsoq?

Akissuteqaat: Nunarsuarmi niuffaffinni raajanut uusunut qalipaajakkanullu Tuluit Nunaat annerpaanut ilaapput taamatullu aamma saarullinnik pisisartunut annerpaanut ilaallutik. Tuluit Nunaat EU-mi niuffaffinniigunnaassagaluarpat, aalisakkanik avammut tunisartakkatsinnut allannguinerimik kinguneqartitsisinnaavoq.

Kalaallit aalisakkanit tunisassiaat EU-mut illugiilluni niueqatigiinnissamik isumaqatigiissut OLT aqutigalugu, akitsuutitaqanngitsumik nersutit nakorsaaniit nakkutillinertaqanngitsumik EU-p niuffaffinnut eqqunneqartarput. EU-Kalallillu Nunaatalu akitsuutitaqanngitsumik nersutit nakorsaaniit nakkutillinertaqanngitsumik pillugu isumaqatigiissutip qulakkeerpaa nersutit nakorsaasa nakkutillinertaqanngitsumik aalisakkat tunisassiat EU-mut eqqunneqarsinnaanerat isumaqatigiissutigineqarmat ukiorpaaluit isumaqatigiinniareernerup naammassineqarnerata kingorna 2011-mi. Isumaqatigiissutit taamatut isikkullit qinnutigineqassapput isumaqatigiinniutigineqarqittussanngorlugit Tuluit Nunaallu, Tuluit Nunaata Kalaallillu Nunaata maannakkutuut niueqatigiinnerat ingerlaannassappat. Kisianni minnerpaamik ukiut marluk aatsaat qaangiuppata Tuluit aniniarnerat atuutilersussaamat periarfisaqarpoq isumaqasigiissusiornissamat.

Inussiarnersumik inuulluaqqusillunga

Nikolaj Jeremiassen

05-08-2016
Suliap normua 2016-11880
Allakkat nr. 3092182

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl